

## Hay Tanem Ni Pedring

Inholat boy ingolit nili:

**Pearl Joy B. Fontelera**

**Judelyn B. Baluyot**

**Rialyn B. Cayabyab**

Edited by: **Melinda D. Punzalan**

**G**itan nin kato-ahan nin maw matontawo ni Pedring kaya hiyayna ya pinaba-ala ha malawang ya taneman nin matontawo na ha Botolan.

Kamote ya an-itanem nin maw matontawo na, kaya bongat ahe labay ni Pedring mananem nin kamote. Pali ya labay na nin itanem.

Maboyot na nin ahe finaneman ya lota bana agna nin nakasanayan. Hin na-obo ya kwalta ya inbalag nin matontawo na napilitan yayna nin mamatanem.

“Taneman moyo nin pali ya lota ko,” inilgo na ha taw trabahador na ha paliyan.

“Matya ya lota kaya mairap nin taneman nin pali,” ilgo nin taw trabahador na kona.

“Pali ya labay ko, bana ta mas mabli ya pali kaysa kamote,” pagmamatya ya ilgo ni Pedring.



Ayin nagawa ya taw trabahador na no alwan homonol kona. Hay irap la nin mamalanom bana ta matag-ay ya dogal la.

Nakalaba ya ongnoy bowan. Ahe hinomlay ya tanem ya pali kaya a-amo ya na-alawa na.




“Anta man ombahen ya na-alawa? Pina-olayan moyo!” Pahang ya ilgo ni Pedring. “Biyang moyo nin pataba ibat ha kanayon ya dogal.”

Ayin nagawa ya taw trabahador na no alwan homonol koni Pedring.

Toloyan hana nin nahira ya pananem bana ha abono ya inggwa la. Pinomahan et ya aw- insekto ya babayo la makit ha Botolan.

Kinomalat ya paw pisti ha Botolan kaya namahang ya maw mananem ha dogal la.





“Manlengge ka Pedring ha paw peteg mamaliyan!” bonghaw nin maw mamaliyan ha Botolan.

“Pedring, pag-aralan mo ya nangyari ha lota mo, agmo ipilit ya labay mo. Leng-en mo ya taw trabahador mo!” pahan et nin taw tawo kona.

“Mamaliyan ka, hika ya magtrabaho ha lota mo!” bonghaw nin taw tawo kona.

Pa-ibat hinhato, nag-in aral koni Pedring ya pagkalugi boy pirwisyo ya ginawa na ha taneman ha Botolan.

